



Llywodraeth Cymru
Welsh Government

Hysbysiad preifatrwydd: Gwybodaeth fonitro rhieni, plant a darparwyr sy'n defnyddio'r Cynllun Cymorth Gofal Plant Coronafeirws

Pa ddata personol a gedwir gennym ac o ble y daw'r wybodaeth hon?

Diffinnir data personol o dan y Rheoliad Cyffredinol ar Ddiogelu Data (GDPR) fel 'unrhyw wybodaeth yn ymwneud ag unigolyn adnabyddadwy a allai gael ei adnabod yn uniongyrchol neu'n anuniongyrchol wrth gyfeirio at ddyfais adnabod'. Caiff data categori arbennig megis grŵp ethnig neu gyflwr iechyd eu diogelu ymhellach o dan y gyfraith diogelu data.

Mae gan Lywodraeth Cymru fynediad at ddata personol a chategori arbennig rhieni, gofalwyr a phlant sy'n derbyn gwasanaethau gan awdurdodau lleol. Caiff y data rydym yn eu derbyn yn rheolaidd am rieni a phlant ei egluro'n fanylach yn Atodiad 1 i'r hysbysiad preifatrwydd hwn. Nid yw eich enw a'ch manylion cyswllt yn cael eu trosglwyddo'n rheolaidd i Lywodraeth Cymru at ddibenion monitro, gyda'r data a amlinellir yn Atodiad 1. Fodd bynnag, bydd eich awdurdod lleol yn rhoi enw a'ch manylion cyswllt i Lywodraeth Cymru fel bo'r angen at ddibenion gwerthuso. Ond ni fydd yn rhoi enw eich plentyn.

Yn ogystal, mae gan Lywodraeth Cymru fynediad at ddata personol darparwyr gofal plant sy'n darparu gwasanaethau a ariennir gan Lywodraeth Cymru o dan Cynllun Cymorth Gofal Plant Coronafeirws. Caiff y data rydym yn eu derbyn yn rheolaidd am ddarparwyr gofal plant eu hegluro'n fanylach yn Atodiad 2 i'r hysbysiad preifatrwydd hwn. Ni fydd Llywodraeth Cymru'n rhannu eich enw gyda thrydydd parti e.e. asiantaethau anllywodraethol ac ymchwilwyr, oni bai bod eich enw yr un peth ag enw eich busnes, sydd eisoes ar gael yn gyhoeddus.

Caiff y Cynllun Cymorth Gofal Plant Coronafeirws ei werthuso o bryd i'w gilydd er mwyn asesu perfformiad y cynllun a helpu Gweinidogion Cymru i wneud penderfyniadau ynghylch datblygu'r polisi'n ymwneud â'r cynllun. Os bydd rhywun yn cysylltu â chi ynghylch cymryd rhan mewn gweithgareddau ymchwil sy'n gysylltiedig â'r Cynllun Cymorth Gofal Plant Coronafeirws, cewch Hysbysiad Preifatrwydd ar wahân yn amlinellu sut y bydd yr wybodaeth a gynhrychir gan yr ymchwil yn cael ei chasglu, ei chadw a'i defnyddio. Mae cymryd rhan yn yr ymchwil yn wirfoddol ac ni chewch eich enwi yn unrhyw adroddiad.

Cysylltir eich data'n ddiennw â ffynonellau data eraill fel rhan o'r banc data Cyswllt Diogel Gwybodaeth Ddiennw (SAIL) at ddibenion ymchwil anfasnachol yn unig, oni bai eich bod yn gofyn nad yw hynny'n digwydd (gweler y nodyn esboniadol).



Beth yw'r sail gyfreithlon ar gyfer defnyddio eich data?

Y sail gyfreithlon ar gyfer prosesu'r wybodaeth yn y broses gasglu data hon yw ein tasg gyhoeddus; hynny yw, arfer ein hawdurdod swyddogol i gyflawni rôl a swyddogaethau craidd Llywodraeth Cymru. Gelwir rhywfaint o'r data rydym yn eu casglu yn 'ddata categori arbennig' ('ethnigrwydd' yn yr achos hwn) a'r sail gyfreithlon ar gyfer prosesu'r wybodaeth hon yw ei bod at ddibenion ystadegol neu ymchwil.

Mae hyn yn galluogi gweithredu'r Cynllun Cymorth Gofal Plant Coronafeirws, ac yn darparu gwybodaeth a fydd yn helpu Gweinidogion Cymru i wneud penderfyniadau ynghylch datblygu'r polisi'n ymwneud â'r cynllun, sy'n cael ei gyflwyno i wella llesiant economaidd a chymdeithasol yng Nghymru yn unol ag adran 60 o Ddeddf Llywodraeth Cymru 2006¹.

Defnyddir y data a anfonir at Lywodraeth Cymru:

- i fesur pa mor dda y mae Llywodraeth Cymru ac awdurdodau lleol yn darparu eu gwasanaethau i chi a'ch plentyn;
- i gefnogi gwelliannau i'r gwasanaethau hyn;
- i ddyrannu cyllid i'r awdurdodau lleol ac eraill;
- i gefnogi ymchwil ehangach i'r gwasanaethau a ddarperir i chi a'ch plentyn, neu eraill;
- i gysylltu data â ffynonellau data eraill er mwyn gwerthuso'r effaith y mae'r rhaglen yn ei chael ar y bobl sy'n cymryd rhan ynddi.

Ni fydd y data a anfonir at Lywodraeth Cymru yn cael eu defnyddio:

- i gymryd unrhyw gamau mewn perthynas â chi neu eich plentyn, neu eich lleoliad gofal plant; nac
- i'ch enwi chi neu eich plentyn mewn unrhyw adroddiadau.

Pa mor ddiogel yw eich data personol?

Caiff data personol eu trosglwyddo drwy Objective Connect, sy'n system ddiogel ar gyfer trosglwyddo data. Mae'r data'n cael eu storio mewn ffolderi ar rwydweithiau diogel y mae swyddogion Llywodraeth Cymru, sydd yn gweithio ar y Cynllun Cymorth Gofal Plant Coronafeirws, yn unig â hawl i fynd iddynt.

Bydd yr holl ddata a gesglir yn cael eu defnyddio'n ddienw mewn adroddiadau ystadegol neu adroddiadau ymchwil. Ni fydd eich manylion cyswllt yn cael eu cynnwys mewn unrhyw adroddiadau, nac unrhyw wybodaeth y gellid eu defnyddio i'ch adnabod. Bydd data cyfun hefyd yn cael eu rhoi ar wefan StatsCymru, sydd ar gael yma:

¹ Deddf Llywodraeth Cymru 2006 (c.32).



Llywodraeth Cymru
Welsh Government

<http://gov.wales/statistics-and-research/topic=People+and+communities&lang=cy>

Pan fo Llywodraeth Cymru yn cynnal gwerthusiad o'r Cynllun Cymorth Gofal Plant Coronafeirws, bydd y gwaith hwn yn cael ei wneud gan drydydd parti achrededig (e.e. sefydliad ymchwil neu gwmni ymgynghori). Bydd gwaith o'r fath ond yn cael ei wneud dan contract. Mae telerau ac amodau safonol Llywodraeth Cymru ar gyfer y contractau hyn yn nodi gofynion caeth ar gyfer prosesu a chadw data personol yn ddiogel.

Am ba mor hir y byddwn yn cadw data personol?

Caiff unrhyw ddata personol a drosglwyddir i Lywodraeth Cymru eu dileu tair blynedd o'r dyddiad y daeth i law.

Mae Gwasanaeth Gwybodeg GIG Cymru, sydd wedi'i leoli ym Mhrifysgol Abertawe, hefyd yn cael gweld rhan o'ch data personol am gyfnod o dri mis, nes bod y broses o gysylltu'r data â ffynonellau eraill drwy'r banc data Cyswllt Diogel Gwybodaeth Ddienw wedi'i chwblhau.

Hawliau unigol

Mae gennych yr hawliau canlynol mewn perthynas â'r wybodaeth personol rydych yn ei darparu fel rhan o'r Cynllun Cymorth Gofal Plant Coronafeirws. Mae hawl gennych:

- weld copi o'ch data;
- gofyn i ni gywiro unrhyw wallau yn y data;
- gwrthwynebu neu gyfyngu ar y prosesu (mewn rai amgylchiadau);
- gofyn am ddileu'ch data (mewn rhai amgylchiadau)
- cyflwyno cwyn i Swyddfa'r Comisiynydd Gwybodaeth, sef ein rheolydd annibynnol ar gyfer diogelu data.

Dyma fanylion cyswllt Swyddfa'r Comisiynydd Gwybodaeth: Wycliffe House, Water Lane, Wilmslow, Cheshire, SK9 5AF. Ffôn: 01625 545 745 neu 0303 123 1113. Gwefan: www.ico.gov.uk

Rhagor o wybodaeth

Os oes gennych unrhyw gwestiynau pellach am sut y bydd Llywodraeth Cymru'n defnyddio eich data, neu os hoffech arfer eich hawliau o dan y Rheoliad Cyffredinol ar Ddiogelu Data, cysylltwch â:

Tîm y Cynnig Gofal Plant
Adeiladau'r Goron, CP2
Parc Cathay



Llywodraeth Cymru
Welsh Government

Caerdydd
CF10 3NQ
E-bost: Trafodgofalplant@llyw.cymru

Gallwch gysylltu â Swyddog Diogelu Data Llywodraeth Cymru yn:
Llywodraeth Cymru, Parc Cathays, Caerdydd CF10 3NQ E-bost:
Swyddogdiogeludata@llyw.cymru.

Rydym yn egluro ar ein gwefan sut mae'r Ddeddf Rhyddid Gwybodaeth a'r gyfraith diogelu data yn gweithio gyda'i gilydd. Ceir rhagor o wybodaeth yn: <https://llyw.cymru/llywodraeth-agored>.

Nodyn esboniadol

Mae Banc Data SAIL yn cynnwys data dienw am boblogaeth Cymru. Caiff ei gydnabod yn rhyngwladol am ei system storio gadarn a diogel a'r defnydd o ddata personol dienw ar gyfer ymchwil i wella iechyd, lles a gwasanaethau. Gall ymatebwyr ddewis a ydynt eisiau i'w hatebion gael eu cysylltu â ffynonellau eraill ai peidio. I gael rhagor o wybodaeth am sut i wneud hynny neu ynghylch cysylltu data, ewch i <https://llyw.cymru/cysylltu-pharu-data-hysbysiad-preifatrwydd>.



Atodiad 1:

Pa ddata y mae Llywodraeth Cymru'n gallu eu gweld?

Rhieni plant sy'n defnyddio'r Cynllun Cymorth Gofal Plant Coronafeirws - at ddibenion gwirio cymhwysra

Mae awdurdodau lleol yn gofyn am fanylion amdanoch chi fel rhiant neu ofalwr plentyn neu blant o'r fath, a manylion y plant sy'n derbyn gwasanaethau o dan y Cynllun Cymorth Gofal Plant Coronafeirws, a hynny er mwyn gwirio eich cymhwysra i fanteisio ar y cynllun yn erbyn y meini prawf a nodwyd gan Lywodraeth Cymru. Mae hyn yn cynnwys;

- Eich statws fel gweithiwr (hanfodol) allweddol
 - Caiff yr wybodaeth hon ei throsglwyddo'n ddiennw i Lywodraeth Cymru gan yr awdurdod lleol, sy'n golygu **na** fydd y data dan sylw'n cynnwys eich enw nac enw eich plentyn.
- Prawf o'ch statws fel gweithiwr (hanfodol) allweddol
 - **Ni** chaiff yr wybodaeth hon ei throsglwyddo i Lywodraeth Cymru.
- Teitl eich swydd
 - Caiff yr wybodaeth hon ei throsglwyddo'n ddiennw i Lywodraeth Cymru gan yr awdurdod lleol, sy'n golygu **na** fydd y data dan sylw'n cynnwys eich enw nac enw eich plentyn.
- Enw eich cyflogwr
 - **Ni** chaiff yr wybodaeth hon ei throsglwyddo i Lywodraeth Cymru.
- Dyddiad geni'r plentyn yr ydych yn gwneud cais iddo ddefnyddio'r Cynllun Cymorth Gofal Plant Coronafeirws.
 - Caiff yr wybodaeth hon ei throsglwyddo'n ddiennw i Lywodraeth Cymru gan yr awdurdod lleol, sy'n golygu **na** fydd y data dan sylw'n cynnwys eich enw nac enw eich plentyn.
- Eich cyfeiriad
 - Caiff eich cod post ei drosglwyddo i Lywodraeth Cymru gan yr awdurdod lleol yn ddiennw, sy'n golygu **na** fydd y data dan sylw'n cynnwys eich enw nac enw eich plentyn.
- Gwybodaeth am y budd-daliadau rydych yn eu hawlio a allai eich gwneud yn gymwys i fanteisio ar y Cynllun Cymorth Gofal Plant Coronafeirws



Llywodraeth Cymru
Welsh Government

- Ni chaiff yr wybodaeth hon ei throsglwyddo i Lywodraeth Cymru.

Rhieni/gofalwyr a phlant sy'n defnyddio'r Cynllun Cymorth Gofal Plant Coronafeirws

Mae awdurdodau lleol yn darparu manylion i Lywodraeth Cymru amdanoch chi fel rhiant neu ofalwr plentyn neu blant o'r fath, ac am y plant sy'n derbyn gwasanaethau o dan y Cynllun Cymorth Gofal Plant Coronafeirws. Mae hyn yn cynnwys:

- Data am eich plentyn a chi fel y rhiant/gofalwr:
 - Rhyw
 - Dyddiad geni
 - Cod post
 - Awdurdod lleol
 - Ethnigrwydd
 - A oes gan eich plentyn anabledd neu angen addysgol arbennig (AAA)
- Manylion sylfaenol am y gwasanaethau a ddarparwyd i chi a'ch plentyn cyn manteisio ar y Cynllun Cymorth Gofal Plant Coronafeirws:
 - A oedd eich plentyn yn mynychu gofal plant cyn defnyddio Cynllun Cymorth Gofal Plant Coronafeirws
- Manylion sylfaenol y gwasanaethau a ddarperir i chi a'ch plentyn yn sgil y Cynllun Cymorth Gofal Plant Coronafeirws:
 - Faint o oriau yr ydych wedi gwneud cais amdanynt ar gyfer eich plentyn o dan y Cynllun Cymorth Gofal Plant Coronafeirws
 - Faint o oriau o ofal y mae eich plentyn yn eu defnyddio o dan y Cynllun Cymorth Gofal Plant Coronafeirws
 - Darpariaeth iaith y gofal plant y mae'r plentyn yn ei gael
 - Dewis iaith y plentyn o ran y ddarpariaeth o dan y Cynllun Cymorth Gofal Plant Coronafeirws
 - Rhif cofrestru Arolygiaeth Gofal Cymru y ddarparwr/darparwyr gofal plant lle rydych manteisio ar y Cynllun Cymorth Gofal Plant Coronafeirws
 - Y diwrnodau a'r oriau yr ydych wedi gwneud cais amdanynt ar gyfer eich plentyn o dan y Cynllun Cymorth Gofal Plant Coronafeirws.



Llywodraeth Cymru
Welsh Government

Atodiad 2

Darparwyr gofal plant sy'n darparu gwasanaethau o dan y Cynllun Cymorth Gofal Plant Coronafeirws

Mae awdurdodau lleol yn darparu eich manylion chi i Lywodraeth Cymru fel darparwr sy'n cynnig gwasanaethau o dan y Cynllun Cymorth Gofal Plant Coronafeirws. Mae hyn yn cynnwys:

- Eich manylion cyswllt - gan gynnwys eich enw, rhif ffôn, cyfeiriad e-bost a chyfeiriad post, a rhif cofrestru Arolygiaeth Gofal Cymru
- Darpariaeth ieithyddol eich lleoliad yn unol â'r wybodaeth a ddarparwyd gennych i'r awdurdod lleol ac i Arolygiaeth Gofal Cymru
- Faint o oriau y mae pob plentyn sy'n manteisio ar y Cynllun Cymorth Gofal Plant Coronafeirws yn eich lleoliad wedi'u harchebu a faint o oriau y maent wedi eu defnyddio mewn gwirionedd
- Unrhyw gostau ychwanegol i rieni sydd wedi manteisio ar y Cynllun Cymorth Gofal Plant Coronafeirws yn eich lleoliad, gan gynnwys: costau bwyd, costau teithio, ac unrhyw oriau ychwanegol y maent yn eu defnyddio yn eich lleoliad yn ychwanegol at oriau'r cynllun.